

欽定剿平三省邪匪方略

欽定剿平三省邪匪方略正編卷二百七十五

辛酉年

九月十六日

庚寅

勒保奏言前據通南等處稟報

李彬股匪會合王丹餘孽由陝竄來已過巴州

兩河口當卽移兵截剿維時聞該匪等有向閬

蒼之勢是以將官兵從老林撤出向西南取道

進剿初一日行抵百丈關探聞分股之賊二二三

百人已竄至蒼溪縣屬之東河順河而下直達

保寧沿河而上卽係蒼溪縣城均逼近嘉陵江

岸臣卽督兵直趨東河前隊官兵於初二日趕

上賊匪殺賊四五十名生擒戰手李三元等二

十七名餘匪四散逃竄時該匪大眾屯紮石馬

場因剿散之賊奔回報云但該匪卽由石馬場連

夜折回原路東竄我兵一跟蹤緊躡初三四五等

日由九龍場旣子壩陰林山元灘子南壩場等

處追擊沿途殲斃賊匪十餘名至二三十名不
等逃出附近難民朱老九王陳氏等男婦七十
六名口皆隨時釋放現據探報該匪向青崗波
楊栢河一帶東竄已折入通江地界途次接到
七十五知會該提督將湯劉等逆連次痛剿後
官兵跟蹤追躡於燈籠坪地方遇有另股零匪
在彼滋擾七十五帶兵衝擊斬獲多名生擒賊

首王國賢之弟王愜明卽行正法餘匪分路奔
逃維時湯劉股匪已入太平七十五據報奉節
縣屬黑樓門一帶有賊卽帶兵由達州新寧轉
回正向夔州進發行至開縣適有苟文明樊人
傑股匪由城口老林竄出開縣至譚家灣滋擾
七十五得信卽於八月初八日發隊派令副都
統銜侍衛武隆阿叅將鄭啟貴馮元遊擊閻俊

烈等各帶兵勇分路進剿七十五帶領副將張
良槐都司田中貴等隨後策應武隆阿等趕至
溫湯井地方有賊匪千餘人由山上吶喊而下
我兵仰面迎敵兵丁龍明華生擒督陣騎馬賊
目苟文明一名餘匪奔潰斃賊二百餘名生擒
一百五十六名餘匪四竄又七里坪東壩溪一
帶竄出賊匪一股鄭啟貴等帶領兵勇追擊殺

賊一百二三十名兵丁黃應德擒獲騎馬賊一
名衆賊捨命來撲閻俊烈等當先衝擊鎗箭齊
發賊卽大潰直追至石埡子一帶沿途又殺斃
五六十名馮元等之兵適由走馬嶺趕至賊匪
率衆抵拒軍功千總王斌中矛陣亡我兵奮勇
攻擊賊始敗退追至三寶山又復擒戮三百餘
人當將生擒男婦內訊出老掌櫃向思順係苟

文明師祖又苟文明之弟苟文太堂叔苟子儒
親孫苟勇兒並苟文太之妻張氏鮮大川之母
周氏妻胡氏子鮮明海偽總兵苟文懷之妻王
氏大頭領羅克俊劉詠舒總旗手李昌龍十二
名口現在解送達州監禁聽候審辦又訊有被
脅難民景之修胡周氏等三百十一名口遞交
開縣就近省釋其餘戰手卽行正法等語其所

擒送逆屬賊目人等業經解到達州臣現飭達

州總理永寧道陳預審訊具報察核辦理又據

總兵穆克登布豐紳等稟報該鎮等奉經畧派

令追剿王山張奇劉學書等股匪自陝來川於

八月初七日在水溪河紮營探得該匪屯紮在

開縣之滿月槽有六七百人穆克登布等卽帶

兵趕往斃賊二百餘人餘匪竄去有百餘人躲

入岩洞穆克登布等當令兵勇圍住拋入火彈
賊匪衝出洞口均被官兵擒殺查穆克登布所
報劉學書餘匪本與湯劉二逆合夥是此時所
竄大竹梁山墊江之賊卽係此起無疑該境均
係川東腹地肅清已及一年百姓俱經復業茲
復有賊氛猝至恐又被蹂躪裹脅况與下游江
岸相近關係甚重臣遠在川北通南一帶相距

川東甚遠七十五已向大寧一路追剿苟獎等
逆相距亦遠惟查太平羅紋壩一路前派託雲
泰帶兵駐劄防護運道近因託雲泰不能得力

改委田朝貴前往更換該處距達州較近

臣現

飛札田朝貴先帶此項兵勇星夜趕赴大竹梁

山墊江一路兜剿務令顧住江防但查該匪於

八月二十七八等日已竄至大竹

臣

於九月初

五日得信卽日札知田朝貴計該鎮接札馳抵
大竹已隔二十餘日且所帶兵單設不能卽時
剿滅又無別路官兵接濟因思李彬股匪已截
回通江境內距腹地漸遠候補道劉清現帶緝
勇在通江馬家寨防堵經畧額勒登保駐劄西
鄉邊境策應各路之兵均與李彬股匪相近
權其緩急咨報額勒登保并札飭劉清將李彬

股匪就近截剿

臣

卽日率領阿哈保薛大烈等

帶兵連夜兼程馳赴大竹一路策應田朝貴之

兵併力合剿以期早清腹地再據探報高家營

餘匪二三百人亦已入陝與齊家營合夥在卦

子山一帶游奕並據永明節次稟報已由沔寧

取道會同陝省防兵向卦子山一路相機進剿

至刻下川北賊股除李彬等一起之外僅存魏

逆剩有二三百人窮竄九角山現據通江縣稟
報在該縣之松坪碑壩一帶仍係沿邊老林此
時臣因大竹梁山墊江等處腹地有賊不得不
先其所急一俟肅清卽當馳回川北剿辦至湯
劉股匪本係交七十五專剿業據連次得獲勝
仗詎該逆等竄入大平後七十五輒因奉節報
有賊信遂舍此而顧彼以致殘匪無兵跟追復

行肆竄令七十五追剿苟文明等股匪似又得
手臣現札致該提督務必將苟逆等匪一手辦
竣勿致再留餘孽

同日陸有仁奏言各股零匪在邊境逃竄經畧
額勒登保因高見奇魏棒棒股匪尙在寧羌廣
元一帶卽親統大兵由西鄉移至南鄭邊界向
西督剿臣昨馳赴軍營面商定議先行肅清川

北師可由西北兜至東去爾贊德楞泰復自東
南繞截而進將各股餘匪悉行逼東於一二
百里之內則兵力愈厚而羣匪盡入網羅維時剿
撫兼施即可尅期完竣并據面述龍紹周一股
經德楞泰節次殲擒解散僅存二三百人苟文
明一股經七十五節次剿殺所剩亦不及千人
又張世龍張添倫等台夥餘匪經穆克登布痛

加殲洗只存六七百人竄至西鄉之魯家壩一帶已派副都統格布舍副將楊芳應元寬馳往迎剿口內卽可得手又安康洵陽平利零星餘匪現今穆克登布馳往隨處搜剿並有喜明汪啟胡定泰富蘭九十等在沿邊沿江一帶分堵惟在川之劉洲選湯思蛟一設有零匪數股與之附合現在尙有二三千人不日德榜泰德盡

龍道殘匪卽當殺師剿辦而川陝邊界之高魏
等股餘匪人數尙有千餘總在老林一帶奔竄
額勒登保擬卽督同楊遇春向黃官嶺梅子壩
等處馳赴寧羌週江邊界隨地相機迎擊務期
一鼓殲除至善以事宜移駐提督及安插鄉勇
撫卹難民數大前因長麟奏請將提督移駐
漢中已奉

旨交軍機大臣議覆今將陝安鎮移設固原並漢中
協改設陝安之處再行會議具奏臣見經畧業
經商及容再與長麟悉心籌議奏

聞其鄉勇一項所應急籌安插者祇在日久隨征之
勇誠如

聖諭惟有酌給絕產叛產而入營伍二者為長久之
計現在陝省查出絕產叛產共有四百餘分每

分多者可分給十數人少者亦可分給二三人
除酌給無業難民外卽可安頓隨征鄉勇加以
挑補兵丁缺額並派充夫役壯丁似已足敷安
插此外隨時雇募防守之勇本有家室恒業似
毋庸另籌安頓至撫恤難民爲守土者第一要
務臣惟有督率地方官隨時體察悉心妥辦務
使窮簷共沐安全仰副

聖主軫念民依至意現在各路糧餉臣供支無誤茲

仰荷

天恩俯准截留甘餉二十萬兩臣已飭藩司遵照截

留解至漢中應用均奏入

上命軍機大臣傳諭勒保曰前此勒保剿辦高魏股
匪所剩無多因聞李彬在川北竄擾卽舍高魏而
剿李彬及馳回川北臣並未與李彬接仗又復稱

湯劉股匪緊要趕往川東似此東奔西逐總未痛
剿一次辦竣一股豈不徒疲兵力此時勒保旣已
帶兵趕赴川東惟當堅持定見督飭官兵將川東
之賊迅速辦竣再酌量移師他處以次肅清倘遲
至冬令必將以山內冰雪凜冽爲辭且轉瞬卽屆
明春賊匪又將到處掠食尙復成何事體卽李彬
股匪雖據勒保稱交劉清截剿但劉清係屬文員

且該逆聞知勒保統領大隊官兵前往川東或復
思乘間折回劉清所帶鄉勇無多未必卽能攔截
或又竄近江岸豈勒保聞信復將由川東馳回川
北乎現已降旨令經畧額勒登保迅速派員帶兵
前往剿辦並著勒保飛行咨催將李彬一股剋日
剿竣勿任蔓延至七十五一路剿辦苟文明等股
匪殲斃多名並擊獲首逆家屬所辦尙好所有生

擒賊目苟文太之兵丁龍明華著加恩以把總拔
補擒獲賊目向思順之兵丁黃應德著加恩以千
總拔補以示鼓勵其殺賊陣亡之千總王斌著咨
部賜卹又據奏湯劉股匪本係七十五專剿嗣因
奉節報有賊信遂舍此而顧彼以致殘匪無兵跟
追等語勒保既知七十五舍湯劉而剿苟樊股匪
爲非是何以伊亦舍李彬而剿湯劉等逆豈責人

則明而責已則昏乎此時七十五追剿苟文明等
股匪據稱得手勒保務當上緊飭催剿淨以便騰
出兵力另剿他股至魏逆一股零星賊匪雖爲數
無多但無官兵剿辦豈不又滋裹脅現已諭令額
勒登保酌量撥兵剿辦矣至七十五一路擊獲之
向恩順苟文太苟子儒苟勇兒等十二名口其應
行正法者審明後卽在該處正法示衆

上命軍機大臣傳諭陸有仁曰據陸有仁奏與額勒登保面商軍務善後各事宜已降旨諭令額勒登保分派兵勇由西北向東南上緊剿辦以期迅速集事其善後事宜如移駐提督及安插鄉勇撫卹難民各大端陸有仁當詳細熟籌斟酌妥善與長麟等會議具奏不可草率至糧餉一節陝省賊匪不多征兵愈少供支較易現在又有截留甘餉二

萬曆三十四年五月
十一萬兩更可無虞缺乏此時軍務將竣陸有仁惟
當加倍奮勉經理無誤方爲妥善

上又命軍機大臣傳諭額勒登保曰勒保奏大竹梁
山墊江一帶有湯劉等逆竄近馳往川東剿辦將
現剿之李彬一股咨報額勒登保並札飭劉清就
近截剿等語李彬一股本由川北竄近嘉陵江經
勒保帶兵截剿又從通江折回爲數尙有千餘亟

應上緊剿除勒保業往川東其川北一帶現無大員在彼督辦劉清究屬文員帶領鄉勇無多恐不能堵截額勒登保現駐西鄉邊境相距通江不遠著卽派委得力鎮將酌帶兵勇速赴該處與劉清併力截剿又魏逆一股止剩二三百人在通江之松坪碑壩一帶竄匿勒保因往川東無人跟剿雖爲數無多而一經搶掠裹脅漸成大股將來又必

向無兵處突出滋擾額勒登保均當派員往剿緊
顧川北一帶不可任其游奕此時各股賊匪以額
勒登保等屢次所奏賊數合之節次擒斬數目統
計現在不及萬人不過在川陝楚邊界藏匿額勒
登保自應通盤籌畫現有幾股賊匪卽派幾路官
兵截剿毋論在川在陝不分畛域上緊剿辦此時
額勒登保德楞泰勒保揚遇春七十五穆克登布

等應各帶一軍分占地面俾賊匪窮竄之處均有
兵力截剿自無難尅日成功若似此漫無把握轉
瞬卽屆冬令又將以冰雪凝滑爲辭延至明春則
賊匪有食可掠隨處飽颺辦理又形棘手矣又陸
有仁奏稱與額勒登保面商先肅清川北額勒登
保由西北兜至東南德楞泰自東南繞截而進將
各股餘匪悉行圍逼於一二百里內盡入網羅所

見甚是不可徒託空言當計日以待捷音之至

二十日

甲午

額勒登保奏言

臣

因高見奇魏棒

姚馨佐等股賊匪竄入寧羌飛飭慶成慶溥永

明等趕緊截剿一面督師由龍池場前進據慶

溥永明等報稱該匪由梨坪竄入陝境後分爲

兩股一由西流河竄至大小沙河一由高寨子

竄入鞏家壩俱係寧羌地界慶成永明等帶領

官兵由寬川舖栢林驛前往迎剿該匪聞風折竄由卦子山常家埡向南奔逃慶成帶兵由牟家壩高臺寺趕至銅廠維時慶溥帶兵在板蒼壩永明帶兵由羅家壩分投攔截正在知會進剿詎連日秋雨不止深山中霧氣迷漫賊匪蓄意竄向西北遂分爲數股每股或數百人或百餘人晝則隱匿箐林夜則零星出沒實爲狡詭

異常臣率同楊遇春等由鍾家溝彭壩法慈院

進抵牟家壩據慶成呈報賊匪連日分路衝突

營卡均因截堵嚴密未得竄過初六日各匪由

碓窩坪竄至鐵爐壩慶成帶兵探路進剿初七

日趕抵元壩子探聞賊匪竄出竹壩子該處北

通沔縣大路關係緊要慶成一面令副將多隆

武遊擊和什布等帶領兵勇趕竹壩子趕緊攔

截一面帶兵於元壩子附近山林搜捕是日多
隆武趕到竹壩子果有賊匪自乾溝河竄出該
副將等帶領兵勇由土木亞趕剿斬戮數十人
賊匪竄入老林恃險抗拒山坡陡滑艱於仰攻
天色已晚後隊之兵安設營卡將前敵禦賊官
兵徐徐捲撤乃賊匪於大雨密霧中由上下壓
捨命衝突我軍併力回戰雨中倉卒不能施放

鎗礮弁兵鄉勇傷亡數十名幸營卡官兵奮力
出敵賊始敗退慶成聞信飛速帶兵於次日趕
到策應該匪仍於乾溝河紙坊壩老林奔竄

臣

於初十日甫抵黃官嶺據已革總兵德忠差人

飛報有賊匪數百人攻撲白岩河卡隘

臣

卽挑

派兵勇令楊遇春前往接應該匪一見兵到紛
紛奔逃德忠亦卽帶兵出卡隨同楊遇春等沿

山追剿殺斃六七百人滾崖跌斃數十人時已昏黑霧雨不止未能深追賊衆向廟壩一路竄去拏獲活賊夏文德等二十一名供係高見奇魏棒棒姚馨佐併各股打散零星合夥有二千餘人因處處皆遇官兵實在不能過去訊明後均卽正法次日賊匪竄至廟壩該處有遊擊常祿防堵帶兵出擊鎗斃斃賊十餘名搜獲五名

賊匪卽旁竄陳家溝向鐵爐壩桃園寺而去已

屬南江地界查桃園寺有路可通巫山垭梅子

壩亦係東北要路臣現已由梅子壩馳抵巫山

壩緊過北面並飛飭慶溥永明等帶兵於梨坪

城牆岩顧住西面攔截慶成卽由乾溝河廟壩

一帶尋蹤追擊將該匪驅向東南臣卽於巫山

垭取路截擊以期得手再臣月前進抵太平嶺

內曾派令格布舍副將楊芳應元寬等帶領兵
勇三千餘名由白沙河一帶探剿川境賊匪格

布舍楊芳等由太平進抵開縣地界

臣

於龍池

場接據稟報有賊匪一股約千數人未知係何

首逆由太平竄向西鄉之魯家岩有出九真壩

之勢當卽飛飭格布舍楊芳等帶領原兵取道

九真壩迎頭截擊相距已遠所有剿辦情形日

內尙未據報至穆克登布豐紳桑吉斯塔爾自帶兵由高頭壩翻界嶺一帶進發二十五日行抵南溪縣一帶探有小股賊匪在陽坡屯聚穆克登布等恐該匪聞風遠颺卽令官兵潛行紮住並挑撥精勁鄉勇二百餘人假扮教匪令千總胡國安帶領乘夜混入賊羣穆克登布豐紳桑吉斯塔爾於四更時各帶官兵分路前進剿

明時將抵賊匪屯窩之處遙見千總胡國安順溝率衆而進賊匪猝不及備立被鄉勇斬獲數十名賊匪向山梁四散奔逃穆克登布豐紳桑吉斯塔爾等齊帶兵由林中突出共殺賊二百餘人生擒五十三人僅剩百十人向六道河班鳩關遁去獲犯李如明等訊係白號苟文明衝散餘匪有頭目廖世學魏瓊已經逃去等供隨

卽將李如明等正法次日穆克登布等復帶兵
勇由六道河趕往班鳩關將該匪等追及我兵
分路抄進將廖世學生擒其魏瓊及餘黨一百
三四十名全行殲戮淨盡據穆克登布等稟報
前來臣當卽發給銀牌銀鏢分賞出力兵勇又
據喜明柯滿百祥稟報安康平利一帶均有零
匪二三百名竄擾該鎮等挑帶兵勇探剿殺賊

二三十名不等查此等零匪大率楚境被剿折

回之賊

臣

並仿穆克登布等擇其緊要者先行

剿辦總當合力剿淨一股再辦一股以期次第

殄滅現在高魏等股賊匪已入川界既未得竄

向西北辦理尙不甚棘手

臣

仍留慶溥德忠於

此一帶嚴密堵截緊顧陝境西北

臣

卽率同楊

遇春慶成及侍衛將領等上緊分頭剿辦若日

內天時晴霽則此等殘敗游魂不難一鼓集事
再此次高見奇魏棒棒姚馨佐等股賊匪由梨
坪竄入寧羌境內臣以寧羌一帶本係慶溥帶

兵防堵何以又任該匪竄越當經飛行飭查茲
據慶溥報稱梨坪卡隘係守備孫奉朝帶領兵
勇二百餘名防堵賊匪係由城牆岩竄出城牆
岩距梨坪三十餘里原係扼要之地因陡壁尖

峯不能安設營卡是以只於梨坪卡內派撥兵
勇四十餘名在彼輪流瞭哨賊匪乘夜攀援上
山將瞭哨兵勇衝散傷亡二十餘人賊衆卽接
踵而至該守備聞信率勇前往賊匪業經竄過
因賊衆勇單未敢深追等語查高魏等股匪蓄
意竄陝因各營卡防守嚴密輒於陡壁無路設
兵不多之處乘夜竄越該守備於夜間不及策

應又因衆寡不敵未能追剿尙屬實情但該守
備倚恃險要不能先事確探嚴堵其踈防之咎
亦所難辭臣現已將該守備孫奉朝摘去頂戴
重責飭令勉力自贖慶溥駐防之處距城墻岩
有二百餘里一聞賊匪竄入之信卽帶兵趕赴
板蒼壩鐵嶺關一帶將該匪截回未任闌入西
北功過尙屬相抵應懇

聖恩免其查叅奏入

上命軍機大臣傳諭額勒登保曰此次高見奇魏棒
棒姚馨佐等股欲由梨坪竄出寧羌沔縣等處疊
經官兵併力攔堵將該匪等截回南江不致蔓延
惟賊匪竄入老林時尙敢恃險抗拒由上下壓捨
命衝突看此情形何曾十分窮蹙茲當功屆垂成
之際尤應認真剿辦不可以賊勢已衰稍存忽視

此時額勒登保已帶兵前往川北一帶剿捕該處
尚有李彬等股分竄勒保現已馳赴川東無人剿
辦額勒登保統兵赴川既可緊躡高魏賊蹤並可
兼顧李彬股匪惟賊股雖已截回川境仍恐其乘
間折回目前陝境防堵最關緊要慶成係陝省提
督大員自應在陝境堵剿不必令其入川此後陝
省邊界一切防堵事宜卽責成慶成慶溥督率德

忠實力防禦如餘匪復行及近陝境慶成等務卽
悉力截回倘任彼闖入則惟慶成等是問至額勒
登保入川已遠其陝省防堵遇有應奏情形卽著
慶成隨時具奏無須呈報經畧轉致稽遲至穆克
登布等於界嶺帶兵進發後將苟文明股內分竄
賊日廖世學等生擒並將餘黨全數殲戮所辦尙
好此一路兵力正可騰出如陝境內尙有零星潛

匿夥黨卽著穆克登布等帶兵搜捕以淨根株至
孫奉朝防堵寧羌邊境自應扼要守險據稱因陡
壁尖峯不能安設營卡僅留數十兵丁瞭望該處
既可留駐兵勇安有不能紮卡之理且地勢如果
陡峻賊匪又何能陟險飛度乎可見該弁竟係踈
於設備僅摘頂戴不足示懲孫奉朝著革職作爲
兵丁留於軍營効力贖罪至屢薄駐防之處相距

匪五十餘名生擒李華等十七名賊即敗上梯
子崖踞險抗拒當有藍翎馬兵楊國全兵丁程
貴等首先搶上均被石傷我兵人人切齒施放
連環又擊斃賊匪五六十名賊復潰逃我兵乘
勢搶上由梯子崖壓下又殺賊二十餘名生擒
劉文元等十九名前途路徑更險當令副將李
應貴叅將馬應國馬濟等仍帶所領步兵跟蹤

賊尾賽冲阿等卽撤回另覓路徑抄赴湖溪迎
截訊據獲賊供稱龍紹周祇有二百餘人昨在
茅坡遇見羅半年王憫賢駁黨合營前往湖溪
等語當將各犯一概正法初六日賽冲阿等覓
路由杜家溝陰石溝帶兵趕到探報賊匪已翻
簡家山白虎溝一帶逃走是夜李應貴等差弁
稟稱在老林內殺賊十三名內有羅探馬一名

捉獲陳連科等十一名押解來營均卽辦理賊
匪已由羅筐崖逃走初七日養冲阿等馬隊由
白虎溝馳進抄出平頭河已在賊前賊匪知覺
不敢前來又於白虎溝翻中架嶺走房縣屬之
天車壘遁逃查該處通灣腰樹扇子壩九道梁
一帶先是臣因茅古坪爲賊匪竄陝要卡將就
近之徐家壩營卡內抽出兵勇四百名派遊擊

徐陞督同守備閻寬等卽在茅古坪擊卡堵截

臣

於安設卡座之後卽督同色爾滾侍衛達勒

達阿蘇爾伸達自祥李東山張應貴馬文斌等

帶兵繞至黃白岩當令色爾滾等帶馬步隊飛

馳進剿泥濘路計極難行走及抵洛陽河有賊

數人在房屋外一見官兵卽吶喊潰亂馬隊直

前趕殺步兵進屋搜剿共殺賊七八十人擒

張才祥等二十三名餘賊盡冒雨狂奔經馬隊
趕追二十餘里又殺賊五六十名生擒孫棒等
七名只竄走一二十名訊據獲犯供稱係藍號
陳潮觀餘黨在陝西被官兵打散逃到湖北山
裡聚有一百八九十人要找另股合夥並無頭
自在內等語訊明俱係日久戰手立即正法維
時探得龍逆又由房縣上龕折回入山查龍逆

餘匪無幾被兵窮追惟恃老山箐林苟延時日
萬不敢向東北平原處前逃故又竄進老山其
勢仍須折向西南而竹山之青池埡實爲適中
之地連日霪雨各處溪流盡漲山中路窄若全
軍深入箐林實在徒勞兵力臣當派色爾滾侍
衛達勒精阿蘇爾伸遊擊張應貴馬文斌都司
珠勒亨等帶馬步兵五百名由西南衆保坪老

林向東北探蹤迎剿臣即於青池堦扼據相機

截剿又接據七十五信稱帶兵由大寧之湯家

壩追剿苟逆等股賊匪探得該逆在桐油壩與

湯思蛟劉潮選等股賊匪合夥向黃墩前逃二

十八日至亢河哨探有由陝竄來一股賊匪一

千餘人賊首姓崔姓胡在黃墩前之老鴉舖壽

家山空寨子等處屯紮偷破水寨子又攻撲新

寨子等情七十五以佔踞空寨子之賊必須搃
其巢穴散屯之賊不難剿殺遂於是夜先派千
總萬大發外委張興邦帶步兵四百名向麻札
坪小路繞至寨傍林內藏匿靜候前面大兵攻
打齊進令侍衛武隆阿叅將鄭啟貴遊擊閻俊
烈蕭太和都司羅思舉蒲佑盛等帶領馬隊於
四鼓時由銅關堡老林出望鄉坪已刻至橫山

梁卽率兵仰攻直上賊衆聚集抗拒往來撲壓
七十五繼進官兵齊聲吶喊時寨傍伏兵亦突
出賊後該逆卽時慌亂丟棄刀矛馬騾紛紛遁
入老林寨內之賊不及隄防又被圍俊烈李朝
相首先衝入立斃二三百餘名生擒蕭東山等六
十八名追至界嶺又殺賊三四十人餘匪向天
淪河狂竄復又搜獲十二名內有偽先鋒金文

一名據供稱此股是戴四掌櫃夥匪有一千餘人元帥是崔宗和胡明遠我是先鋒由湖廣界嶺雞心嶺走陝西茅壩大渝河又從螞蝗溪到老鴉伊道見青號楊總兵被官兵打散帶有一百餘人合夥紮住今日官兵打破寨子竄到老林邊馬驟擁擠我就逃進林內被搜山兵擊獲等語其被脅難民張宗禮張子明等共四十二

名照例省釋馮光峰金文并匪犯蕭東山王廷

佐等分別臚詞處斬遊擊閻俊烈首先入寨腿

帶石傷現仍帶兵由大堽口跟蹤進剿

臣

查戴

四一股賊匪前在楚境係總兵孫清元剿辦茲

遁入川境又被七十五截剿雖所餘不過數百

人但陝境先後已有荷戴二股賊匪奔入人數

固屬有限勢亦敗殘然無兵跟剿擄掠日久必

致又成大股須趁勢趕緊殄除或卽截剿回川
方爲妥善當卽飛咨七十五帶兵過陝跟剿萬
不可任其肆行蹂躪至川楚邊界一帶老林山
內時有剿散零星賊匪自數十人至一二百人
不等潛匿其間覓股合夥此種零星竄賊若任
其滋擾必致日聚日增自當隨時分探剿辦以
除後患且龍逆賊匪所剩無幾盤折於二竹房

興巫山一帶亡命狂竄現又由房縣上龔之老

林逃入興山之木水三坪向東北奔逃臣又札

致賽冲阿等令其挑選奮勇兵勇三百餘名緊

跟追捕自東北逼向西南倘該逆竄來得以前

後來擊定可一鼓集事又接據總辦糧餉道員

陳預並達州東鄉縣稟報八月二十三日有賊

一股約八九百人由東鄉竄至達州亭子鋪經

太平寨勇擊殺馬賊二名賊匪由平灘場遁入
大竹縣吉陽場又墊江之黃土坎梁山之螺蟻
店俱有賊匪百餘人滋擾查勒保等帶兵現在
川北臣現在楚界鞭長莫及腹地實在空虛該
逆等雖係敗殘遺孽若無兵剿辦勢必擄掠日
多因思太平運道業已疏通駐紮羅紋壩之總
兵田朝貴原帶兵勇二千名較爲近捷當卽飛

飭田朝貴星速帶領兵勇由新達直赴梁六一
帶前往剿捕俟臣將龍逆擒掃後臨時相機酌
量如該處緊要卽移師先行赴彼剿辦奏入

上命軍機大臣傳諭德楞泰曰龍紹周一股屢經官
兵剿敗所剩無多此次經德楞泰督同賽冲阿温
春等跟蹤截剿雖畧有斬獲而龍逆仍未就擒又
與羅半年王惘賢零匪合夥竄至興山地方現在

德楞泰派色爾滾等帶兵由東北探剿德楞泰於
青池埡相機截擊必須趕緊辦理龍逆妻子家屬
前已拏獲該犯孑然一身自知萬無生理斷不肯
悔罪投出此時又竄入興山苟延殘喘德楞泰惟
有督率官兵上緊兜擊務將龍逆及合夥之羅半
年王懶賢零匪一併剋期剿淨不可再有遲延俟
此股賊匪辦竣後德楞泰視何處賊匪緊要卽移

兵前赴該處剿辦臨時相機酌量朕亦不爲遙制也至七十五一路本係專剿湯劉股匪嗣據勒保奏該提督因奉節報有賊信舍湯劉而剿苟樊等逆今據德楞泰摺內所奏七十五又舍苟逆等股而剿戴四崔胡跟蹤入陝五年以來帶兵大員往往剿辦一吸賊匪未經完竣復又因另股賊匪緊要舍而之他棄垂成之功留未淨之孽以致東奔

西逐有稽戴事各軍營皆蹈此弊卽如近日勒保
本係剿辦高魏股匪因聞李彬在川北竄擾又復
剿辦李彬及馳回川北後並未與李彬接仗又稱
湯劉股匪緊要趕往川東軍營積習總未悛改今
七十五旣已赴陝跟剿戴四崔胡卽將此股賊匪
責成七十五一手辦理不可又舍此就彼務當在
陝迅速辦竣又據稱有賊一股約八九百人由東

鄉竄至達州道入大竹縣吉陽場又墊江之黃土
坎梁山之螺螄店俱有賊匪百餘人應楞秦飛派
田朝貴前往剿捕等語此股賊匪德楞秦未經奏
明係何名姓若係湯劉股匪現在勒保已趕赴川
東並著德楞秦飛咨勒保上緊剿辦若係李彬股
匪昨已有旨令額勒登保赴川兼顧此股賊匪亦
著德楞秦咨明額勒登保迅速殄除前此各路軍

營奏報皆稱賊匪勢已窮蹙不難尅日蕝功屢次
降旨令伊等務於九月內一律辦竣茲已屆九月
下旬而各路零星股匪尚在竄匿看此情形九月
內又成虛望今姑寬限一月德楞泰等務當儘於
十月內將各股賊匪悉數殲擒捷音一到必沛厚
恩倘十月內仍不能辦竣必當治以應得之罪弛
之凜之再接據額勒登保德楞泰勒保三路奏報

賊匪數目李彬及王冉餘孽約二千餘人劉湖選
湯思蛟等股合夥之賊約二三千人樊苟合夥之
賊約千餘人高見奇魏棒棒姚馨佐等合夥之賊
約二千人龍紹周及藍白二號之賊約四百餘人
統計各股賊匪不過七八千人與現在各軍營所
剿賊匪數目是否相符著德楞泰詳查具奏此時
德楞泰在川省之極東額勒登保在川省之極北

兩處軍營相距約有若干里中間股匪及零星藏匿之賊共有若干亦著一併查奏

二十五日

已亥

勒保奏言

臣

前在通江截剿李彬

股匪適聞湯劉等道由東鄉達州竄入大竹一路當卽調派田朝貴帶領防兵先往堵截

臣

卽

移兵馳剿茲於十五日行抵大竹探得該匪前在太平竄出約有一千餘人適因川省官兵均

在老林追賊該匪遂由東鄉達州竄走大竹希
冀攻撲民寨搶糧擄人幸各處寨堡完固百姓
竭力守禦皆未被賊攻破惟大竹梁山墊江一
帶居民大半復業場集貿易人多賊匪突至猝
不及防均有被賊殺害及裹脅而去沿途驟馬
亦有被搶者臣連日冒雨星馳而來該匪卽向
降水之觀音橋柑子鋪歐家場姚家崖等處竄

走並分股向長壽明月場一帶該境西走合州
即緊逼嘉陵江岸東折墊江即梁山鄭都向雲
開一帶之路適田朝貴先已取到大竹

臣

即飭

該鎮帶領兵勇向隣水之道尾追並派總兵張

志林帶領都司陶得伏守備方一彪馳赴嘉陵

江岸下游幫同牙寧等督率兵勇巡防賊匪窺

渡

臣

督同阿哈保薛大烈直趨墊江趕緊兜剿

探得此時該匪聚眾沿途裹脅已有三千餘人
騾馬三四百匹然大半係甫經被裹之人官兵
一到諒可立時解散惟有加緊剿辦早爲殲滅
以清腹地其李彬等逆一股賊匪前經臣由廣
蒼一帶自西而東截回通江適因大竹等處有
賊不得不移師剿辦當卽咨報額勒登保查照
就近派兵辦理並一而札飭候補道劉清帶領

鄉勇在通江防剿茲據劉清稟稱李彬股匪由
安家壩一路東竄劉清卽帶領鄉勇由馬家寨
前赴謝家坪山梁紮住望見賊匪前隊由雙鳳
壩前來劉清令各勇傳諭投出者免罪遂有田
文貴等男婦三十七名口投出隨後大夥匪衆
趕到直撲山梁該道卽令軍功李仕玉王登忠
等將鄉勇分作兩隊從上壓下殺斃賊匪數十

名賊夥內復有趙文招等二十六名臨陣棄械
投出該匪向麻啄石竄去所有投出難民該道
均經訊明原籍送回安插等語查麻啄石係通
江地方路通太平並與西鄉切近倘經畧卽日
派有兵至正可就近迎擊又七十五一路近日
咨報自在温湯井等處痛剿樊苟股匪生擒老
掌櫃向思順僞元帥苟文太及逆首親屬多名

後馳至石梁子探得該匪被兵剿敗分爲三股
一股向榨井壩竄去有二三百人一股向蘭芽
場竄去有五六百人一股向謝家壩沙陀寺竄
去有一千三四百人馬賊二三百各查此股人
數最多且有新充僞元帥苟潮現僞總兵苟文
懷在內七十五當卽帶兵追趕該匪由龍硯河
王家坪竄走楊柳田有入老林之勢七十五卽

發隊行抵核桃壩正值賊匪頭起盡係婦女官
兵埋伏山後讓過前起隨見馬賊百餘、步賊
五六百人蜂擁而來時副都統銜侍衛武陟阿
遊擊閻俊烈都司羅思舉蒲佑盛守備李朝相
等先到率領兵勇突出立斃賊匪三四十餘
賊奔上東面山梁我兵四路爭上七十五督率
大隊繼至斃賊五六十名藍翎軍功候補把總

張必祿率領兵丁袁朝俸鄉勇鍾玉貴游順等
將騎馬督賊匪二名擒獲我兵衝入又殺斃
二三十名匪衆向牛磊口潰逃我兵追至王道
河又斃賊百餘人生擒六十餘名隨將兵勇撤
回寶塔暫紮查訊所獲督陣之騎馬賊一係偽
總兵苟文懷一係偽元帥苟潮現之弟苟潮明
又訊出大頭領關瑞休及苟文明之親妹羅春

氏訴據苟文懷供係苟文明之弟與羅其清一
同起事我從前在營內曾當總兵昨八月初八
日被官兵打散元帥苟文明亦無下落遂新立
苟朝現爲元帥舉我同管營事羅苟氏是我姊
向嫁與羅其清之弟羅其明爲妻苟朝明是苟
朝現之弟現在營中當旗手餘無要供除將該
匪等解交夔州府聽候審辦外其餘張克達等

七十名俱係精壯戰手立行正法又李科華等
八十四名口係甫經被擄難民隨給照票口糧
省釋再叅贊德楞泰一路官兵前於七月間有
自陝回川至太平之信臣當委同知常發祥帶
銀四萬三千兩前赴太平等候供支兵餉旋又

聞德楞泰追賊已至大寧恐常發祥相距較遠

不能趕到臣復飭夔州府知府方積就近先移

解銀三萬五千兩并兵丁鞋脚及馬掌等項前
往接濟據報俱已交收茲聞德楞泰復有至太
平整頓兵力之信所有隨營事務尙需派員經
理臣現已飭委龍安府知府積朗阿又帶銀一
萬兩前往太平督同常發祥等候接辦至經畧
額勒登保一路節次所派穆克登布豐紳永明
等先後來川追賊所需糧餉均經供支無誤並

酌撥帳房弓箭等項以資接濟奏入

上命軍機大臣傳諭勒保曰湯劉等逆由東鄉達州竄入大竹沿途裹脅已有三千餘人驟馬三四百匹又成大股該逆等本係七十五專剿之賊所剩無多前據勒保等奏稱七十五移兵剿辦樊苟等逆將湯劉股匪置之不顧彼時朕卽慮此股賊匪無人剿辦必致別滋裹脅今果不出朕所料五年

以來帶兵大員往往剿辦一股賊匪未經完竣復
又稱另股賊匪緊要舍而之他以致剿剩零星之
賊無兵追捕任其隨處擄掠衰脅賊數復又增多
各路軍營皆蹈此弊是以屢降諭旨嚴切訓飭而
積習總未悛改實爲可恨卽如勒保本係剿辦高
魏股匪因聞李彬在川北竄擾又復剿辦李彬及
馳回川北後並未與李彬接仗又稱湯劉股匪緊

要趕往川東往來奔逐徒疲兵力於事何益現在
李彬股匪雖據勒保稱經道員劉清帶領鄉勇斃
賊數十人但劉清究係文員所帶鄉勇無多豈能
將此股賊匪專交該員辦理若無勇幹鎮將帶兵
奮擊必至又如湯劉之肆行裹脅前已降旨令額
勒登保派員前往又令其赴川兼顧勒保現在川
東恐鞭長莫及務當遵照前旨飛咨額勒登保迅

速籌辦剋日殲除不可稍留餘孽至湯劉股匪據稱前在太平竄出不過一千餘人何以不逾時忽增至三千有餘而所掠騾馬亦復不少必非一時所能聚集自因本年夏間賊匪等在山內避熱而勒保不加查察以爲川境次第肅清漸弛戎備今該匪等因山中乏食又向無兵處突出與湯劉合夥攻撲民寨搶糧擄人腹地又遭蹂躪皆由勒保

疎懈所致而且忽剿李彬忽剿湯劉僕僕道途全
無把握况湯劉股匪滋擾之處與嘉陵江相近倘
逼近江岸希圖搶渡更屬不成事體勒保著傳旨
由飭所有湯劉股匪卽專交勒保剿辦勒保旣經
貽誤於前此時惟有堅持定見倍加愧奮督同阿
哈保薛大烈等將湯劉股匪上緊殄除尤應嚴防
江岸不可稍有疎虞延緩至七十五始則舍湯劉

而剿苟樊繼則舍苟樊而剿戴四崔胡昨據德榜
奏奏苟逆股匪在桐油壩地方與湯劉合夥而本
日勒保所奏情形湯劉等股勢復熾張此則七十
五踈縱之咎著傳旨申飭並著勒保傳知該提督
現在既經入陝跟剿戴四崔胡卽將此股賊匪責
成七十五一手辦理必須剿捕淨盡若又不能辦
竣致戴四崔胡股匪復留餘孽必重治七十五之

罪茲已屆九月下旬川省竄匪尙未剿淨一股看
來九月歲事之期又成虛望今再展限一月勤保
務當儘於十月內將川省各股賊匪悉數殲除肅
清全境捷音遞至自當立沛厚恩若十月內仍不
能辦竣軍律具在勒保七十五自問當得何罪勿
謂朕言之不早也

同日

上命軍機大臣傳諭陝甘四川湖北各督撫曰御史
鄭敏行奏教匪滋事地方地多人少日久荒蕪將
來變價歸公難保無吏胥欺隱等弊請查明共有
若干項畝造冊報部分給鄉勇等語各該省叛產
絕產會屢降旨令各督撫等詳查明晰或以之安
插鄉勇或以之分給難民而該督撫等日久遷延
總未辦有條欵惟陸有仁曾經奏稱查出陝省絕

產叛產有四百餘分而每分共有多少及此外有
無查出之處尙未奏到現又據該御史奏及此事
此時大功將次告竣誠宜及早詳查以爲將來分
撥地步該督撫等接奉此旨後卽遵照節次諭旨
派委明幹大員分投查勘除查係難民逃亡之產
其仍回原籍者自應給還業主至其餘叛產絕產
應查明共有若干可以分給若干人預爲清理勿

任豪強稍有隱冒並將如何分給之處妥議章程
隨時具奏